

抱

冲

齋

詩

集

抱冲齋詩集卷十

長白 斌良 笠耕

陝豫秉臬集一

七月十八日陳臬西陝曉出阜城門

詔書陳臬入關行玉勒
鑾輶盡錦榮祖餞親朋頻把酒
遠離兄弟重含情雲橫塞雁秋
原迴柳帶風蟬暮驛清幾度驅車重
脰未瞻

鑾輶叩愚誠

陸辭奉旨不必送駕速赴新任

過宏恩寺

峭壁瞻千仞飛埃隔薜蘿
行程詞客少方外俗人多
檜折枝巢鶴幢敲石繫羸
繡煩攜茗椀禪味悟如何

過涿郡慧雲寺

柳溼疏煙似霧紗曉鐘催動曙林鴉磬頭屏障天西面亭角歧
分路幾又

寺前閣東爲走江南山左閣廣通衢西則入碧瓦朱
山陝黔蜀正路道旁立石書之以示行人

蕢行殿鎖粥魚茶飯梵宮遐

聖皇衙密稀游豫父老扶鳩望

翠華十三年春駕幸淀津
觀水西由趙北口回

聖駐蹕寺旁行宮近已
十五年來未巡幸矣

萬善橋

棗栗堆成市潢汙積似河山僧長揖別嵐翠過橋多

涿鹿旅夜

湫隘黃茅驛家僮倚著親破窗帷作障短榻草爲褥坐寂譚消
夜途長起向晨逢時青雀舫正泊淀西津

客夜

檐虛飛蝙蝠林高滴珠露斜月注窗油疑是天將曙

余於今夏經高郵隄上壽佛禪院見古柏臥寺前恐村
人罔知愛重舍資令僧作雕闌護持督空南旋擬繪
圖吟賞以記佳遇今陳臬陝中不克歸舟盤桓嘉蔭
正深撐撥月之廿日路經涿鹿郡之熨斗店見村中
古柏隱於荒蔓叢棘間較淮南所見尤蒼茂憫奇材
之並蹇悵調護之同疏復題後古柏歌

璧社湖寺壩蒼柏看輪囷醮金朱闌圍橐筆青銅敝督轡待艤
榜灑酒澆龍鱗裊展期數輩吟嘯敲烏巾豈期爽前約含意俱
未伸量移遠江表迴車驅西秦支離蒼髯叟寂處淮海濱晨策
范陽道灌木污颿塵緬彼新甫資偃蹇荒煙鄰頂禿蟹爪擎葉
密鶯毛新鸛鶴巢其顛螻蟻穿其根下少九莖芝側萋百尺筠
可惜梗枿儕溷迹黎粟倫常恐體堅瘦掩抑罹樵薪句吳暨燕

薊相伫勞精神因知不世材鼓澤多淪湮見之始愛重不見徒
含辛既見不能舉勢與未見均嗟爾時未遇况我力不振於樹
猶如此培國當樹人

北河店偶題

眯目塵黃三十里竹簾蒲薦愛山家瓦罍權作軍持用隨意斜
簪扁豆花

安肅道中作

塵漲旗亭廿里賒火雲蒸起半天霞豆棚花外涼如洗教向銀
牀汲井華

旭日城東曉市開遠村擔負趁墟來木棉堆雪蒲編錦都向人
家糶米回

遮莫終年學圃忙翠翹涼葉抱芽黃采頭齋說前村得扶幼畦

邊看菜王

安肅俗多種菜田中如產巨顆者稱爲菜王老幼咸來稱賀種菜是逢必多利益土人每以此占旺相

年時淫潦盛於秋傍堰居人積土牛雞爪河頭新漲膩

雞爪河在安肅

縣北慈姑葉碎蓼花稠

慈航寺

相傳方宮保觀承微時臥病寺中寺僧鑒茲周濟甚殷後方公總督直隸捐貲修寺以報談者

美之

尚書抱病困檀那老衲慈悲獲報多小宋齋鹽王播飯闍黎佳話較如何

涇陽驛

瘦轍朝曦劃修林宿霧開餌香風捲麥衣健雨收梅和壁懷雄

趙黃金豔舊臺輾輾南北客誰是郭隗才

地爲燕太子昭先生郭隗故里

過望都縣有感

赤縣尤來突黃旄上將專形嶢會暫住鼙鼓正喧闐荀羨年華

綺終軍節概堅山形籌聚米幕府辟依蓮濡墨宵磨盾圖兵遠
控弦羽林雄八部鐵勒蹴三千身已疆場奮心仍黼展牽梟
張原鶻突鹿鋌太狂顛不謂蕭牆起甯知莽澤延貙狼紛搆釁
貂豎詭因緣東觀談經散西華衷甲潛能無慚獻納忍見沃腥
臙兵竟潢池弄書難駮馬傳緹黃馳騎尉太白動星躔天怒轟
雷電神憑乂豆籩事殊甘露變危亞白榆川深眷

皇威赫俄看王道平桓溫修建業楊僕下淇汭盜早扶風靖營
仍汲水聯平淮羣有策滅滑氣無前深寇心攻上層城肉薄僂
梯衝銅面具地道鐵鑿穿天上來飛將雲中舞絳仙刀光涼雪
潑槍陣玉環連螳臂當車折魚魂沸鼎煎力窮嗤獸困揚烈羨
鷹鷂

王者原無戰蒼生幸解懸歌饒鎬節鼓振旅酒如泉飲至麟臺

宴酬庸鳳綍宣裴公專節鉞彥範錫貂蟬回憶參樞密郎官忝
備員鼎鼐台輔侍鎖鑰北門遷旁午勞飛檄艱辛此拂韉戟沈
殘壁壘草蔓舊隍堧民氣蘇三輔巢痕復萬椽桃林休戰馬繡
陌買耕犍畫角吹燕薊旄頭息澗瀍根株芟淨矣萌蘖恐滋焉
幸卽瘡痍埽猶需撫字賢
君臣務乾惕玉燭照絃綰

定州

柳蔭交加碧絲繁翠幃繁泥融馬蹏落日午雁沙溫纔換方舟
渡遙聞畫角喧郵籤須記取宰堦鎮關門

晚宿鎮甯驛

逕盤依犖确車韻震隆隆
葑屋鱗排次奇峯翠埽空
嘉名沿獲鹿秋色入征鴻
將下井陘道旌旗影倍紅

白皮關曉發

山行氣候寒秋曉怯衣單石棧緣雲上籃輿學篆盤騾綱氈笠
覆牛舍翠杉圍老壽安耕鑿谿田幾棱寬

井陘縣

炎祚難言火德焚擒餘背水搆秦庭乘權赤幟能生色制勝泝
波解效靈歷劫沙蟲凝血碧橫磨劒鐔化峯青山川也藉勳庸
著不少巖巒似井陘

由核桃園雨中曉發逾東天門亭午至柏井驛朝飯出
固關經石佛寺翠蛟潭山行詰曲峯巒窮劣奇詭莫
能方物晚抵平定因卽所見作五古記游

弭節句吳邦舳艫輸玉粒陳臬過秦中眼飽峯巒岌信宿胡桃
園商飆短檣襲鐵衾雲卷舒涼浸夢魂溼向晨整僕御冒雨度

隴隰結束自蒙茸攜我褐與笠泉注瓊珮鏘嵐浮螺黛浥幽邃
間從龍恢詭筆難述巖穴巨吻張雲滃恣呼吸黻黼無端倪變
滅意莫必山田緣嶺耕高下不可律縱橫補百衲層疊拾階級
禾黍望油油嘉穗半結實呀峪石林森路轉楔闔立丹書宛鴻
游燕秦割疆邑適足當豫游詎可驚坎習呼僮僮橐筆隨爲我研
墨汁奇景超意表倘失摹不及

駕言邁晉陽金風拂行旂鳴騶下泥坂延緣隨溪流卵石淨無
苔滑澁屐不啻輿臺行轂觥視履頻低頭決眚露煙鬢石骨媚
以適荆榛短於薺碧葉翻風稠離披泉眼礙芽敷石罅抽山花
不知名紅紫裂錦綢仄徑側身入單車礙行輶籃筍眾夫舉邪
許聽羣謳腰環錦帶牽舁輿如撐舟俯眄數飛翰升虛學猿猱
式瞻東天門一綫逕阻脩羣飛臨丹拱延袤山城樓山寺號凌

霄樞搏金碧浮未遑設替眞禪味參趙州崢嶸臺跨谷琅玉窮
雕鏤誰闢洞戶三奇異動客眸左可通轅轅右聽翻風漚中洞
祀楞迦趺座龍象收不暇給雙目高亭宜三休度嶺已亭午槐
葉冷淘漉秀色遽可餐胡必旅食求

壑北常山蛇首尾相盼顧蜿蜒暗起伏合沓莽迴互谿秀長生
萍崖藏太古樹詰曲入巖厰意銳足難赴或訝旋螺盤或比篆
香炷圓疑錦繖張瘦削雲根露鎮日行崦嵫恫惚慣迷誤雙峯
陡插雲險絕吁可怖攀蘿陟未遑惛眩勞目注雄關跨兩峽下
通車馬路關門四扇扃鎖鑰深鍵錮十萬劍橫磨一丸泥永護
函谷暨劍門都輸固關固緬彼祖龍癡長城勞役賦枉費蒙恬
功難扶子嬰孺華夷界一牆隄防北人度詎知命自天恃險豈
先務我朝奮遼陽山海雄關駐三桂攜貳臣望風早歸附舊

術說朵顏豺虎爲吾募四十八賢王率皆我親故入衛互更番
捲甲休邊戍宗子寶維城修誠舒國步

插天碧芙蓉詎訝五丁鑿蠟屐阻攀躋壁立尤峻削梯空結構
牢阿蘭金彩錯風動訶林搖駕瓦翠灼爍鐙轆聲聞來驀被白
雲幕指點佛臥處金身藤蔓絡想子疲津梁隱居伴猿鶴山僧
獨誅茅卓錫枕崖嶠日餌食黃精身世長鑱託何年此結鄰松
槩恣磅礴燕山有小園風景殊不惡疊石爲巉巖菀裘十年作
巖之九折通地早百弓拓花茜大房移雲縐太湖斫桐淨虛堂
開樓香小亭縛峯或仿匡廬飛泉學噴薄穿池宛谿坳中央橫
略徇聊足以自娛居然邈邱壑載瞻此煙巒神王舌忽昨始知
造化工管蠡詎能度自笑眼界微梁帷巢燕鵲吾將訴眞宰奇
峯割一角超挾煩愚公移置竹齋閣招邀素心人靜賞洗鎗杓

山靈亦莞爾子願胡太約

雨

石燕翔寥汰元霓影碧流牛耕十具足鷺立半槎浮沙淺仍懸
瀨衣涼已近秋時和無滯穗甘澤仁歡謳

過側石驛用少陵西崦人家韻

原隰圍羣峯浩蕩豁雙目雲釀嵐翠濃沙潤秋禾熟古寺石戴
松舊徑雨荒菊衣裳溼靄凝知傍崦嵫宿

由側石朝飯畢趨壽陽縣途中驟遇風雨山水暴漲泥
濘異常行路難信矣夫

側石甫朝晡秋陽熱未斂馬瘡行遲遲雲滃起淄淄飄風挾雨
來油蓋不遑掩煙霽萬峯昏似客夢壓歷嶂揭旋螺紋黠黠覆
嶰巒彷彿米虎兒鵝溪供筆點天然圖潑墨深淺妙渲染須臾

勢噴薄瓜蔓漲猶險眾壑奔流淙穀脫少束檢蛟夔移舊穴波
濤舞瀛洲蛟宮獻珠若雷門布鼓儼橫霏霧縠飄倒射晶簾閃
殷雷搏山陽雨脚收始漸短薺仁豐林墟落藏西崦征衫非瓦
爲沾濡烘藉壓我欲叩松關展屨半支居栖栖果何爲觸撥依
巖广年時督輸還水驛風鐙颭靜聆撒粟忙秋蓬擁冰簟何嘗
累塵滓蘭橈如泛剡陳臬入關中厥職胡敢忝執掌分所宜
恩綸重分陝游子懍垂堂念茲心倍慊

壽陽道中雨後遣興

滑澁千盤磴嵯峨萬仞山秋雲低傍馬行雨未知還雪糝蕎花
白丹凝榭葉斑衝泥防瘴癘筒酒醉酡顏

發壽陽縣朝曦乍上秋霖未止途頗泥滑緣昨與十弟
松亭約晤於鳴謙驛一年別緒藉可稍慰喜而賦詩

用竹垞雨舟聯句韻

雨涼睡相宜晨征起猶晏添衣陟筍輿便旋風拂面溝水流東
西飛泉迸冰霰山徑行營暑紆折作胡旋青泥沒髀深碧甃當
風戰陰晴眾竒殊紫翠倏幻變煙霞具夙賞不謂行旅便坡陀
宛蟻螻墟里望青菑柴荆傍碌碡水楊圍舍院鴉噪女郎祠魚
喧梵王殿登覽意亦佳中懷深戀眷太原古都邑郊隰實沃衍
叔季牧是邦鳴騶喜相見心急嫌步遲骨肉意猶悵黃茅古驛
亭聯牀鬪詩硯把臂話春明排觴開夕宴

詩亭和韓昌黎韻

長慶君臣壽晏安強藩跋扈齒應寒據河北有王廷湊神策如
何罷練團

穿鑿詞人意未安驛亭柳暗曉風寒騷人託興憂讒慝錯認閒

情粉陣團

身世勞薪轉未安馬蹏衝雨萬山寒可憐封菲成陳迹只賸當時古月團

八代承衰歷建安文章光燭斗牛寒摳衣重下詩人拜不覺征衫草露團

由徐溝至祁縣

脂車秣馬發徐溝禾黍雲屯浪疊稠大似南畿好風物青山影裏峙城樓

天空蛩響晚煙屯黃篋棚低結構新一領牛衣高臥穩羨他老作看青人

秦中禾稼盛時防人偷竊備工看守名爲看青人

漢槐

瘿槐碧參天樹本大於瓊葉乏兔目新榦方鵬腳重蟠根炎精

深灰劫冰雪凍託根傍盤阿幽人曾與共曩時郭林宗墊巾恣

吟弄

地卽郭林宗故里

佳蔭不暇賞肩輿勞目送

介休

坡陀含旭景屏幃綠沈開秦壤泥封赤香林石塔皚介公何徧
急縣上亦蒿萊畢竟朝齊楚匡襄信霸才

韓侯嶺

假王封拜寵非真烹狗藏弓具夙因馘項擒餘遺算少卻輸雲
夢僞遊人

囊沙拔幟策奇勳垓下雄逾壩上軍計諾蒯通公自主炎劉草
昧或三分

仁義鎮夜發

檐霽爛明星輜軒發驛亭暗泉聽汨汨深樹望冥冥棲鶻風巢

警寒壁露草屏火城雖未列十炬照峯青

題隋中郎宋老生墓

一笑君王對鏡明
娥姁豔煽國都傾
股肱重寄談江左
授命惟餘宋老生

出山

石棧天梯曲帶縈
巉巖到處學猿升
浪傳出峽詩篇雋
繡陌平蕪接趙城

瑞石驛寄內

斜樓昨共暴衣單
忽漫晴空轉玉盤
淺黛似摹峯淡冶
豐容想像月團圓
征衫重疊勞卿寄
中饋修治慰母顏
待我衙齋教灑掃
晚香偕賞菊花斑

寄蓉娘

束素纖腰瘦幾多
鐙窗古驛憶如何
羣峯都作修眉樣
不用教研五斛螺

身懸雜佩玉璫連
不奈簫輿似鑊錢
可記琴川春放棹
槩牙同玩錦鴛眠

雨涼石磴馬蹏便
半臂誰教厚著絰
密字珍珠頻寄遠
山郵早買雁頭箋

高懸峽中

屋地千尋坼蒼穹
一綫看無風籟虛
發不雨晝常寒古
柏陰交翠山葩寶
結丹郵程心目爽
巖岫走千盤

豫讓橋

怒斫衣裳作解嘲
漆身吞炭枉形消
專諸陸楯荆軻柱
千古傷心共此橋

秦中畱別

巢痕纔拂燕泥新，忽漫河梁碾畫輪。
泉暖翠涵驪嶺潤，雪晴梅透灞橋春。
採風有志追皇古，捧土無方塞孟津。
一樣爰書登肺石，雍梁民氣易還淳。

薰風迴憶則鸞班

天語親聆紫閣間，馬首東馳行未到。

龍羣北狩慟難攀，雲霄黼展頒新綽。
冰雪關河鍊舊顏，瓠子

未成鴻雁集，躊躇何以答宸寰。

畫錦歸榮父老攜，鳴叩缶唱黃雞。
邦緣桑梓情猶眷，社近枌

榆路欲迷得表龍岡，追承叔未躋華頂。
效昌黎棠陰蘭契都縈

念爪雪他年覓舊題

余家先世駐防西安

西安畱別吳澗尊明府曾貫

秦川悵惲卸行滕細訴歡悵惜未能繡豸

兩朝恩錫屢驪駒一曲賦頻仍西瞻太華千秋雪東渡潼川十月冰把酒臨歧期努力扶搖廣莫仁搏鵬

青袍綵繚鬢堆霜阿袞今年喜及牀醕面桃花雙靨秀飫心蘭玉一枝芳嘉名肇錫期能大賢嗣宜官定克昌

明府新得子余贈名延泰斯

事君應爲我賀豚兒幸忝秘書郎

大兒延福蒙蔭中書

題驪山溫泉

裸游宮館莽榛蕪錦雁消沈碧藻鋪渠膩流香惹惆悵二千年上照冰膚

珠泉活潑進盈科驪嶺湯分十六多賜浴恩波今尙暖三郎密誓較如何

畱別陸劭文徵士

耳熟江東陸士龍不圖識面晤秦中一篇檄草看雷動兩夜燈
花照酒紅問字偶將甥館寄買山誰念寓公窮梁園伊昔饒賓
客肯載琴書艤雪篷

贈王雲門明府

危坐深衣氣不揚琅琊腹笥善韜藏箋白屋花生管腰笏青
門鬢有霜華胄誰知元老重酒星常照次公狂春風座上能噓
物蘭草栽培滿國香

北相公廨

鴻爪泥痕記舊時簾波織水漾眾思打窗桐葉郵亭晚獨對鐙
檠自寫詩

同懷弟法良校刊

男崇福謹校重刊

抱冲齋詩集卷十

長白 斌良 笠耕

陝豫乘泉集二

過史村驛

相傳爲巢由洗耳處

淋浪夏雨走珠盤
滑澁泥攪落葉乾
山近雲從眉睫起
崖懸樹傍履綦看
天遙雁字排空小
漲落魚標照影寒
此是巢由棲隱處
停車傾耳聽風湍

過聞喜縣

涑水舊傳多理學
巾車憑軾肅衣冠
莊荒綠野沈沙磧
地卽晉公故里
酒黃黃姑式燕盤
柳影蘸波鴉點瘦
棧雲慘徑馬蹏寒
莫嫌偃蹇冬山寂
丰骨峻嶒耐久看

趙城曉發

馱鈴如訴曉征寒孤貉裘當白衿單煙爨攪雲浮淦淦陂陀覆
釜聚團團草薰已失肩腰綠河曲都如衣帶盤粉本不須搜董
巨舉帷百幃畫圖看

入峽

客行入峽疑落井風雨晦明都不省巨靈長劍倚寥空劃出青
天一綫影履綦所歷積漸高捫參歷井學飛猿後人額觸前人
踵辭滑霜濃立不牢有時百丈牽作緯筍輿權作瓜皮泛伊誰
援手接青雲俄頃低眉還仰面側身回望墟落中綦布培塿蟻
垤封冷雲噴涌不遑嚙俯瞰一丸寒日紅

過靈石縣

脂車東下石琳琅沙起公超霧忽揚傑閣盤雲飯鐘寂巨壆引
渡粟舟杭輿梁束縛奔瀧急亭障蟬聯禿樹荒搖曳一竿帘影

直拍浮買醉酒壚旁

介休懷古

駢脇天生定霸雄
攀龍諸將漫論功
餽飧加璧前盟踐
誌過封
縣沒世同亮節
照殘晷藻碧劫灰
化作杜鵑紅
責賢律以春秋
筆夷隘吾偏說介公

題側石驛

虎邱千人石恢詭頗足喜
揭來笑管窺微乎具一體
我行側石驛
巨石平似砥
誰鑿青玉案
席布十餘里
谿坳虛牝擲
白雲鋪作底
飛瀑漱苔花
五色絢文綺
紅或丹砂同
綠可鳬藻
擬靈符召五丁
移置蕭齋裏
問奇好句成大筆
如椽紀

仁義驛

入夢巉巖峽裏天
筍輿迢遞復穿煙
山田碎納絮雲補
嶺日奔

輪赤道旋松騎薦蘿風裊翠雪晴燕麥綠鋪氈
輶車指處山靈喜恢詭圖經待我傳

晚抵介休行館

氈氈官柳半城遮纔卸征鞵已噪鴉說餅光陰宜客子乞醯風味笑鄰家雨聲乍起疏鐙上詩迹重尋舊墨斜遙憶卯君官閣畔錦函修傍印牀花

核桃園遇雪

兩度桃園風景別來逢秋雨歸逢雪山靈向我矜豪奢萬頃鎔銀送行客驛亭簾捲乾雀噪齏粉樓臺裝點妙朗抱由來叔則同羣玉峯低花四照出門路滑愁馬蹏牽藤冒葛阻攀躋短橋忽擁漫天絮十月花開萬樹梨僕夫勸我行且緩讀畫看山福不淺郭熙荒遠李成工蟹爪磬頭恣渲染鞭影垂垂有所思向

來驢背只吟詩披裘老子衝寒去彷彿翩翩白鷺鷥一竿搖曳
青帘輭沽春人指黃茅店鐵石心腸宋廣平醕酎涼雲齊下嚙
春光倏滿黃金臺走馬朝京亦壯哉此去東皇膺寵渥和羹正
待鼎調梅

又疊前韻

連朝書法趙吳興晨起開門對松雪漁樵販負裹足多凌兢
賸有孤征客棘刺堆錦亂雅噪似話秦中煙壑妙置身恍入冰壺
中清沁心脾光外照銀杯得得翻馬蹏犖确谿凹礙客躋誰家
荒渚多眠柳何處園林不號黎帶眼頻移歌緩緩老子今朝興
不淺天公知我愛繪素滕六拈毫向空染才盡江淹減慧思白
戰只學歐陽詩龍庭幾見烏頭白鸛鶴都猜作鷺鷥滑澁青泥
沒展輓賞奇最數峯頭店陂陀盡化作瑤階玉筍參差秀堪嚙

去年此日姑蘇臺榭聲搖曳真幽哉荒橋斷岸都相似只少前村幾樹梅

井陘縣

雪暖還成雨泥香一徑融溪聲斜抱郭雲意靜依松簾筍青絲引都梁水磨春淮陰鏖戰處斷碣古苔蒙

長岡口占

迢遞長岡路纁黃撲面塵茅檐翻水碓石屋禮山神柳態經霜瘦螺痕沐雨新明朝歌出峽平步碾輕輪

寄蓉娘

未侍熏衣一月遙漫因惜別瘦纖腰春愁似水冬難涸綠鬢黏霜暖未消有憶眉痕看山色欲評茶味聽松濤雪花掌大燕關冷檢點貂裘備早朝

大風過滹沱河

蛇奔象走鬪昆陽千載餘風吼戰場冰合天教銅馬渡朋來驚
奏客星狂稱心少女陰華得失路蕪婁麥飯傷沈勇知人兼用
眾蕭王大度似高皇

夜發伏城驛晤新樂縣陳令話舊

村雞纔唱促征輦珠斗光微夜未闌野岸橋殘踏冰渡荒郵書
到翦燈看是日得徐晴圃書北征事往重題句子於癸酉同赴開州軍營曾經舍此
候忽已七年矣東道情深累授餐陳令頗勤知否金陀舊詞客垂魚今半
作羈官陳令偕吳潤等皆嘉禾名宿同出阮芸臺先生門下潤等昨授盤屋令談次及之

過長國寺

陡壁平分鬼斧剗虬蟠石罅迸松杉風塵溷迹游蹤少荒翠涼
雲閣石函

雪竇趺跏亦偶然瓦鑪埽葉煮新泉山僧不識唐天寶笑指碑陰問紀年

翠蛟潭

摩崖方丈書題款細莫覩縐雲千萬疊拾給不階土谿坳影漫減綠玉鏡太古有詩但低吟恐驚神蛟舞

自固關晚抵核桃園

固關東下犂确叢鐵輪冒礧耳震聾陰崖飛瀑雪練曳大壑枯枿冰條蒙蔚然礙馬綽楔迴境越秦嶺幽燕通寒飈刺人冷潑水征裘徒擁貂鼠豐暖煙上稍曛黑谷風凜冽愁鐙籠棗林栗野望黢黢墟落彷彿蟻垤崇禋龍佩景避木客鞭梢倒指烏陵紅四山抱翠岑比擬筍籜未解欄纏樓巾車枯坐涉遐想欲化鷹隼摩高空凍雲擘絮密似繭不知使君穿出蒼煙第幾重

十月七日徐溝驛重晤十弟

宦游兄弟易參商秦嶺峯迴旅雁行
蕩節量移聲愈藉棣華重放萼生香
談深翻覺冬宵短會好休嫌驛路長
底事朝

京兼問俗天教坡穎暫聯牀

板輿遙奉畏奔波竊幸萱闈氣體和
蜜餌閒分諸娣姒伊蒲常供老維摩
家山接壤郵筒便兒輩承

恩色笑多更有童孫新捧檄花前學拜叟鳴珂

昨詔到西安大兒延福賜

品蔭七

衝寒贈策去恩恩此會原非逆料中
政邁龔黃三考最譽馳儀廡一堂同
柳含別思涼消翠酒上歡顏暖藉紅
待到梁園歡潔養雁奴分付寄詩筒

得吳中趙晉齋書卻寄

細字蠶眠老更精
野雲飛下闔閭城
淡交論到閒鷗好
草履方袍古性情

琅琊賓館舊樓賢
笠屐重尋意惘然
只贖階前仙杏古
當窗赭

玉色參天

晉齋於乾隆四十年間王蘭泉先生陳泉時曾至關中近泉署寶慈書屋惟古杏尚存

婚嫁君平志已蹉
勇攜襆被走關河
岳祠柏與先生舊
相對蒼髯二老過

文書堆案百重盈
雀錄雞碑漫品評
天惜吉金湮沒久
東京畱得趙誠明

晚抵南天門

守關吏上剎竿鐙
導引征車歷碌升
大似蒼茫煙海裏
扶桑旭影赤初騰

北河道中

蘆花晴雪擁空灘
澤腹冰堅鏡面寒
粉墨崔徐最蕭瑟
華堂偏作畫圖看

汴中相國寺傍行臺院中石數十株相傳良嶽所遺嶽
崎峻削恢詭動自玩賞不置因用東坡次劉京兆石
林亭之韻以誌之

陽九天水碧青衣遠難還
森然良嶽石委棄閭黎間
朱勔工媚諛花石綱運艱
黃封復蠟注洗刷怡龍顏
縫囊聚雲滯鑿罅通溜潺
金牌宸翰摘玉輦勞躋攀
一朝鼙鼓振鐵勒龍庭班
雲煙遭掎擊翠失屏影環
奇峯化礫材飛舞滿市震
灰餘幾拳秀宋室興廢關
晏安玩耳目沈陸悲河山
偶繹輟耕錄誌往僧窗閒

蘭陽縣

秋憶陽侯虐驅車意忽驚
漲消楹桷露沙擁樹梢平
鼠竄民逃

穴牛椎地廢耕斷垣森櫛比淒絕古蘭城

河腹高灘凸宣防勢更難洪濤頭上吼樓觀釜中盤奮雷千夫
集焚蘆比戶寒其魚悲赤子無計挽狂瀾

冬月勘案

爰書細按月三更落紙霜毫食葉聲滿眼桁楊皆赤子忍甘乳
虎務浮名

青蓮寺。

前身豈是老頭陀蘭若頻年六番過

在金陵住承恩寺抵京住法華寺在園住大樹庵在

通州住清涼庵在真定住興隆寺在豫我有心香還默叩只求

澹靜養眞和

徑轉欹斜蘚半乾風吹樹影亞朱闌安榴想像花如火不數裴

卿赤瑤盤

颼颼窗紙俊風尖十指排籤凍轉嚴千月印來歸一影照殘禪

窟舊蘆簾

疏向寺僧借草簾禦寒水月庵

春雨達旦曉寄姚明府

顏

淡墨雲陰溼子城遨頭游漫盼春晴凍蘇柳醒風初翦礎潤苔
滋雨乍生埽穴早欣無蟻鬪穿林仁聽有鳩鳴泥香街滑慵騎
馬稍滯琴書入洛行

初九日過吹臺

紆迴欄楯抱沙墩梁苑巋然舊迹存粉堞低臨開霽色柳芽初
綻媚春痕詩筒李杜摘葩藻朋盍鄒枚豔雪尊安得政刑均就
理鴟夷閒載問雞豚

余偶臨樂毅論小楷杜茂才

故

跋之以詩依韻答之

藝苑風流說野王賓賢舊館一身藏渭城那暇殷勤唱漫詡飛

揚翰墨場

紅日窗油細搨時撥鐙書禿管千枝平生嗜古饒癡癖長傍楊花小硯池

潁上氍毹較若何運斤登善最虛和高紳家刻湮淪久波磔應輸寶晉多

樂毅論帖高紳家海宇石刻久失坊本以寶晉齋所刻爲最

和杜茂才枚見贈原韻

雪照梁園幕府開江淹花管帶春來偶撫禊帖論波磔閒考覈鐘數篆枚坐傍麴生堪任達籠無藥裏漫儲才城南例得詩人住指點繡黃纔吹臺

春分後雪和東坡先生癸亥春分後雪韻

瓦溝璀璨幾行稀影薄難禁曉日威誤認梨雲隨夢遠已通梅信作花飛潤生萬物能涵育歡協羣情總化機料峭輕寒陰刺

曾寄言在笥慎袞衣

二月旱甚率僚屬致禱並命於河口之龍潭中取水貯
盎敬捧詣相國寺飭眾諷經供奉祈禱越三日雨農
民望慰誌喜

碧潭蜥蜴貯罍罇雲委中天密易屯纔見魚星占尾度靜聆龍
鉢呪祇園千花聚塔香成界萬柳搖春雨釀村東暫致齋三日
請甘滋敢謂獄無冤

春日過訪黃子芳感舊

三年笠屐共相羊晴翦吳淞淥漲狂交共波棧宜澹味語方諫
果耐深嘗杯傳鸚鵡環中趣珠探驪龍領下光底事還鄉仍作
客囊書襍筆傍嵩陽

子芳家本古歙借余
至大梁因僑寓焉

續末輕颺動碧虛弓刀小隊引復興青黏細散仙人製翠竹寒

梢處士廬案設龜著詹尹卜枕翰鴻寶活民書汪洋叔度波千頃振袂間過聽訟餘

靜賞齋雨坐

雨洗鳥聲潤書窗靜自深瓶花攀豔影階草抱春心養肺屏煩語消閒寄淡吟漫嫌頻索處朋盍楚江臨

靜賞齋雨坐偶成姚明府顏見而屬和因仍疊前韻奉

酬

屏迹懶幽尋苔錢疊徑深挾蘆秋士夢籬落野人心短榻攤書臥長牋擁鼻吟鶯聲聽漸老客裏夏初臨

三月十四日過相國寺晤僧智清說法

繞門修竹罽輕陰杲日招提得便尋衣鉢遠傳宗律教巾單難約意身心初枕履印登乾慧十院苔香賸惠林宋時相國寺有十院惟惠林禪

院遺址
尚存

未舍周何妻肉累恰來白氎坐禪深

晴日喜題靜賞齋

晴日少飛沙鉤窗拓碧紗砌苔紛鬬蟻臺柏開風鴉花墜連筒
灌書籤插架斜埽門人擁簪小立話桑麻

靜賞齋獨坐

夏氣深如許鉤簾草色青退居藏手版調息誦心經哺鷺驚移
幕尋香蝶到瓶蕉窗閒滌筆學篆鼎彝銘
半日此靜坐心清纓冕閒低窗明似舫高樹碧當山雀睡消爭
氣蝸盤帶雨斑芝蘭花數箭妙契足怡顏

李畫師

育

自邗江來汴過訪卽贈

巾幅何瀟灑松高野鶴投繡黃驚汴水明月夢揚州潑墨成名
構囊琴且壯游延枚舊賓館肯作小淹留

官舍西閒園散步

苔綠半弓寬柴門倚杖看草薰晴爛漫松古氣高寒燕影多依
客蛙聲半在官會心濠濮想舊夢戀漁竿

大風悶坐齋室

飄瞥原無定憑虛怒有聲濤飛千尺涌雲蹙半天晴小草低能
偃孤花遠不明下簾聽唳鶴排闥意難平

春日出北郭過甘露寺

幾日未出郭春波漲勝前晴暉圍席帽飛絮逐絲鞭塔勢穿雲
陡花光抱樹圓河聲聽漸近心事默難傳

三月廿八日質明祭東嶽廟有感

鸞環月子墮西巖霧溼紅旌醺祀誠往歲盤闔剛轉棹柳花糝

雪撲征衫

去年三月廿八日自
蘇臺放舟督輪北上

東嶽廟傍道人闢精室花木深秀戲題

斗室清虛極芳菲草木姿微香披紫萼檜禿拗枯枝鼎篆春雲裊盆山雪浪奇懸琴偏懶奏此意道人知

江都李畫師育工於畫凡董巨倪黃宋元名構撫倣無不神似游汴梁無賞音者悵悵然歸余慨其遇之難也作詩贈之

買棹浮梁意灑然胸藏邱壑老風煙淨名寫出那提子打刹俄看擲萬錢

落日繁臺獨嘯歌東京銅狄徧摩挲鄉人漫笑歸裝儉猶有廷珪墨一螺

連日政冗心煩午後案牘稍稍自題靜養眞和之室

半幅精廬悄壺天足退藏觀書饒眼福誦偈悟心光雅陣營巢

急蜂衙釀蜜忙桃椎機已喻大藥本無方

初夏坐靜賞齋

屋幕綠陰潤窗虛襲晚涼竹飈腸飫筍桐鳳翅收香識定語能
簡心澄夢不狂統如報衙鼓斜照映書倉

過駐春齋陣雨忽作

陣雨亂暄寒雲峯潑墨寬鶯紅風蝶繞深草怒蛙盤竹粉黏窠
石瓜藤絡井闌疏簾過客弈負手作閒觀

汴梁獲古鼎一枚無銘文色澤黝碧殆是漢器鮮暇考
據且題一詩

精冶體渾堅銅花潑翠鮮雖無蝌蚪篆或自建初傳環耳綠脣
峻弦紋抱腹圓汾陰歌得寶擬製柏梁篇

自到大梁已歷半載秋讞甫畢寄懷舊游

鴻泥蹤迹指高嵩
竿牘如山几案叢
豈有循聲傳洛下
頻將米價問江東
安榴紅照鑽槐火
暖雪晴飄擘絮風
忽漫雋遊思粹腳
支塘何日繫疏篷

夏日題靜養真和之室

不放炎曦入高棚
帶晚涼簾波斜織水
冰簟淨浮霜竹響有聲
畫心馳無象忙盆魚紅
映藻知樂共洋洋

題宣和畫鷹軸子

枯枿兀如鐵神鷹畫老蒼
性非貪搏擊職自懷風霜
粉墨清光萃鞞絲意氣揚
高懸柏臺壁籬鷄敢翽翽

內室偶作

雍肅齊家政眞閒樂莫支
嫗癡頻索扇婢雅亦知詩
澣葛涼浮雪簪花繡買絲
潭潭香閣邃報謁漫嫌遲

題李生_育畫

石瘦苔濃雨氣涼
風捎翠影乍過牆
繞籬苦筍原無味
竹飢貪饕恣意嘗

一丸寒月白於霜
雪壓雄關氣倍涼
突兀眼中駝背坐
披裘人是左賢王

李生_育將歸江都辦裝未就復畱二日作此贈別

濡滯歸裝整還成
信宿緣茶蘼香雪夢
玉版竹林禪鞋底嵩雲
峻舫邊楚澤圓此來
差意強畫稿半胸填

曉雨出曹門

漲膩抱城斜曹門路
幾叉綠低風捲麥紅溼
雨嬌花河近濶干里
煙沈聚萬家馬蹏行
蹠蹠輕快不撓沙

駐春齋落成

西齋初落成灑掃坐虛明釘壁張圖畫當牕設鼎鎗過牆鄰樹
密市地野蒿平退食閒來此能令萬象清

仙榴廉石之居落成

頻年畫鷁轉軍儲入洛崔駟始作廬丹堊誰希美櫨櫓縹緲聊
復度琴書雨濃閒砌苔紋幻風送鄰家樹影疏權放屋山青潑
眼惜無蛾綠壓飛除

常熟署中石梅仙館後虞山環抱大梁柏署居城市中無此佳致

花漾簾旌蛺蝶尋屋香不待海南沈早堂吏散鸛鴒噪小院日
高梧竹陰黃篋棚支涼乍入碧紗窗拓夏將深韜華退食存吾
素不是泉明避地心

編籬插槿任支分畫篋琴囊暖晝熏雨歇酒人聽蠟屐睡餘殘
客漫書裙榴房然火入檐見茶鼎翻濤隔竹聞擘絮午橋惘脰
望鄉心遙逐薊城雲

五月六日風神廟告成祀畢敬紀

五更雷雨繞堂聲
樹挂銅鉦倏快晴
畢竟城西煙水好
麴塵細碾鏡奩平

絃絲袍換漏煙痕
棟子風涼氣不溫
猶是浴蘭佳節序
幾家菖葉碧簪門

宣仁煦物神功赫
蠲潔牲牢禮祀虔
東哲敢誇無枉獄
芄芃黍樂穰年

晨興沐櫛挹清光
羣雀窺簾日照廊
纔聽殷雷衙鼓動
吏人魚貫早升堂

和杜茂才作

風定蚊雷聚有聲
一丸涼月夜窗晴
琉璃八尺憑高臥
碁局心中漫不平

刻句閒畱竹上痕冷卿坐久石牀溫珠榴不藉東風力也自嬌
紅照汴門

淋漓書秃管三千竿牘紛披夙夜虔幸與先生聯洛社各分吏
隱頌昌年

短檠倚牖漾清光話久朦朧月轉廊何日買山資辦得結鄰燒
筍葢公堂

贈日者倪生

長揖見公卿昂藏野鶴精遇窮詩有骨言放酒能兵善解盈虛
理難齊顯晦情料嫌看世態內養自光明

雨過求可齋

甘澍崇朝降醵垣翠碧浮宦貧童僕慢政肅吏胥愁性介看廉
石居安種若榴雲陰起膚寸膏澤徧中州

衙齋西偏有土阜如小岡閒過登眺偶題

眼界頓然豁心隨飛鵠翔松篁城角寺楊柳水邊莊濁酒呼堪過肥魚斫可嘗只添小亭子邀友坐風涼

七月初三日天甯寺候迎王定九侍郎晚歸值雨

出郭迤邐穿煙霏市聲漸遠村路微眼前突兀見蕭寺雄深殿宇松栝圍雪眉老衲笑迎客袈裟斜搭唐宮緋粥魚響歇午齋罷宛轉導入青竹扉瓷甌瓦鉢燦芬馥瓜壺倒映紅薔薇遠公攢眉厭入社方麴障面汗雨揮憶從挂席下沾口遠拾海月尋蒼磯琴書滿載喚濁酒樓臺倒影涵清暉今年捫謁大梁道腰笏遮拜皇華駢塵埃漲天馬蹏熱日光閃灼黃金鞵輿臺駟從肉山擁火雲欲拂天王旂何期勞逸判霄壤俯仰今昔情依依僧言至人貴內養心鏡朗澈蠲熇威幡風不動井波定道貌鶴

瘦嗤舉肥蒲葵不扇蘊隆減妙蓮佛土相依稀八部天龍倏騰
蹕人天歡喜雨濯衣隔城窳堵波忽見七鴿旋轉金輪飛

題江南春曉小幀

舊游偶值畫圖中客子光陰雨又風記得馬頭村店遠土牆缺
處杏花紅

秋日求可齋新霽題

積雨盛苔痕蕭齋晝掩門拂牋認奇字無酒愛空罇花種收銅
鉢魚苗養石盆一行疏樹好讓月到東軒

自題虞山雲海圖

萬松深處小亭偏杖底分飛百道泉此是虞山真面目一回展
畫一悠然

重陽祀禹王臺地卽梁王吹臺遺迹原野迴曠登眺豁

襟小憩方丈遂入貢院放榜

簿書堆案兀如阜披勘眊昏辰訖西撼窗梧葉雨聲來驀聽明
朝屆重九霜清報賽繁臺集冠蓋鬧雲提馬走元繡蒼壁醺祀
虔盤辟升階鏗珮玖老僧導我作茶話青豆房偏坐僚友是時
秋宇極澄鮮天外朋簪半昂首黃雲穗刈遠畦出蒼檜枝搖陸
濤吼脩廊轉月繚而曲窳堵波森傑無偶曠頤高蹤杳莫尋猶
臍荒墩戴蒲柳我聞古時重佳節吹帽龍山前哲有竭來汴土
事紛若嘉肺登民陳械杻豈無登高賞秋約胸臆塵縈儕里醜
書札江湖鴻雁遙破山延伫題餽手至人樂志不在迹六盤天
游滌纖垢時和政美迓休祥不事持螯并簞酒歲糜廩粟身繡
膺易俗無功辜牧守潁川未下原褚强鄭僑待翦荏苒數折獄
空希雋不疑京國平反開笑口

主恩未報敢投劾
笑暇折腰慚五斗
感時撫事搔白頭
銀艾蟬聯恥身受
吮毫甫畢麗譙發
鵠立青袍隨指喉
茱萸香共榜花開
登進賢良荅 元后

過湯陰謁岳廟
恩恩小憩

和議金縉詔已頒
長城自壞主逾孱
汗青功罪分明在
我對龔祠一破顏

同懷弟法良校刊

男崇福謹校重刊

抱冲齋詩集卷十一

長白 斌良 笠耕

澹園退思集一

白豫還家閒居

未老教尋退隱廬，壓裝猶賸五車書。
石湖小葺夢漁舍，花園有夢漁堂
玉局新營白鶴居。松菊也如詩學廢，蒼筤略比故人疏。
栖遲胡必槃阿邃，種秫三分地有餘。

聽雨樓小坐

竹樓一角露鸞跼，壯歲歸來占斷閒。
蒼檜吼風鳴瑟謖，凍泉漱玉韻潺湲。
鷗盟已踐期釣水，鶴俸少贏難買山。
篋底雁頭箋乍擘，任嘲飯顆不須刪。

訪客晚歸

莫負邱樊松桂叢
輭紅車騎鬪窓窓
燈前觸忤鄉情劇
巷尾吹過煨栗風

寄懷軒消寒信筆

半窗杲日破寒森
茗味餘芬靜可尋
萬樹吼風澎湃舞
恍如大海鼓琴音

緜帽溫鑪坐小齋
境逢佳處妙詩裁
梅花信有高人致
慣向冰霜影裏開

悟時心鏡妙如如
不讀儒書誦梵書
玉局香山同佞佛
疏狂相效樂無殊

愛讀船山入蜀詩
峨眉埽翠盪胸奇
十年作吏頭如雪
肯入槃阿尙未遲

落葉青黃積水坳
門無熱客景清寥
舉頭我代蒼鷹懼
枯桤喬

柯立未牢

長安八百惜孤寒日作曹邱累萬端豈必書蒙子公力燕都薪桂駐偏難

冬夜不寐

一穗明鐙小今宵特地寒居閒高臥穩事舛鍊心難樹寫虛窗月茶香石鼎湍車聲任雷動吾夢自清安

新歸澹園白題

老樹陰盈畝低頭耐雪霜樓臺隨地改松竹較前蒼璧月迴廊抱涼雲石屋香林泉欣有託向我煥輝光

灑掃教僮稚虛堂淨滌除螢乾半囊雪蠹飽一瓶書蘭茝含幽怨榛芳作後圖衡門聊復閉奚必畏催租

圓小壺天隱蘭成靜策勳豐林榮萬有煙水闌三分飼鶴秋糧

聚烹魚竹浪聞羊求偏不過誰與細論文

好友如梁燕經秋返舊巢問奇通豹鼯買醉典烏貂詩夢圍鐙
峭書聲帶月搖蟄棲安蠖屈春冥尾應燒

夜坐韜華館感舊

不貪詣客少人尋經卷茶鎗伴冷吟宦况猛醒巫峽陡
主恩淪浹楚江深風梳蔓裊蘿煙細雪釀雲流竹隴陰椎魯僕
如君實好儒生稱謂守初心

抱冲齋前古藤架歲久傾敝令匠作稍葺之頓復舊觀

喜題

嘉蔭鮮護持倡條羅坎壈雨摧架格傾葺廢今宜頗倒垂骨離
縻斜披髻髮髻置良那降神截莖惜熏火活翠河鼓牽乾碧苔
錢裏根盤曲走螭穴洞深負螺蠃網織藕絲蜂房綴蓮頰窺香

粉蝶疑懷朽蒼鼯墮卓竿界斲輪剝木儼爲舸方棚俄支撐弱
幹倏猗儺涼堪倚柱吟陰想移牀坐爽儷結層構情邁扶偏跛
幽襟愜未曾壯觀誇信果吳歛美人畱楚隱桑扈裸待花邀友
看防溷教僮揣簪簪錦繖張厖厖帘帷安畢畫遊頻仍瘦策裁
卻可貞耐冰霰零拔免終風禍蛟龍輸攬擎癭瘤戴礪礪紫擬
鹿茸丰紅詫罌粟朵絺衣幾桁挂桂魄半眉鎖支離半空撐補
葺一時瑣柯喬良足攀枝重甯愁荷榮悴理有至愛憎測眞叵
凌冬甃寂枯方春仁蕃夥培資家督勤灌懲園丁惰藤蔓笑當
風低頭如拜我

聽雨樓

投劾歸來晝掩關泉譙靜趣罷潺湲宦貧只覺孤吟好福慧修
成壯歲閒翠竹節高雲外閣縞梅香動雪中山論交方外多禪

北江別集卷十一
八
三
侶老衲分齋約往還

閉戶家居坐寄懷軒偶題

松栝翻濤斗插天下帷
枯坐守青氈盈甌旨蓄長
腰米漑釜鮮烹縮項鰯
有約迂辛偕短李所居讓
水帶廉泉腹搖鼻息容高
臥狂象無鉤性自便

臘雪

臘雪見何晚鷗鳬有舊盟
浮沈姿潔白歧正路分明
鬢色幾莖改心光四照清
郢歌原和寡小坐對書楹

正月十九日夜坐寄懷軒漏三下
篝鐙題此邀宋星浦
孝廉和之

坐傍書檠靜揮毫逸興閒
墨花融益豔蓮滴暖逾潺
翠羽棲楹藻金波射屋山
開蛾羣稚歇凍析壑當關

二十二日游吉如二弟

霍隆阿

棗香山館過青龍橋

紫駟蹀躞颯風颿帽影衝寒度石橋雪意粉渲巒萬疊春痕黛
浣柳千條青陽白日一無事山淥湖光互動搖遙指鬱林岡畔
路凌霄雙塔似相招

過罨秀村

石路馬蹏響連鑣逞雋遊近岡盤磴險放溜斷冰浮虎圈籠斂
守漁村罨網收毬場草萌檠寒色上貂裘

廿二日至董思村棗香山館飯罷邀家可齋吉如遊寶

藏寺僧

靜省

畱坐清涼厂汲玉泉水煮茗開窗望三

山昆明湖諸勝畱詩疥壁兼訂後遊

隔夜理都籃晨策雞戒旦香杭飽山廚蒙茸各巾盥身輕健於
鶻結侶據款段鉤衣犖确森寺壓翠微半彩虹跨孱顏破空懸

匹練阿窵殘雪畱春陽古冰泮巢危老鶴棲藤斷驚蟻竄騎滑
慄朽馭腰裏飛鳧換瓊霏屐齒霜珠斂鼻頭汗僧如紇干雀面
色凍梨爛豆房作清譚堂頭起親喚披曳破衲衣拂拭素木案
指點下方景邀我鑽窗看危構出鳥背崕吐淩紫漢決背接鴈
鴻側身聆鵲鳴帛湖琉璃鋪渚宮金碧燦觚稜馭輝複道卿
雲縵柳色帶昆明晴光轉鵲觀更復縱遠目萬瓦起煙爨漁村
擲網佃虎圈樹柵扞射苑接毬場隱約松篁幹洪崖笑拍肩窅
堵波齊骭置身閭峯巔秩領丹霞冠雙眸給不暇耳竅笙竽亂
伏流涌山椒噴薄璣琲琛水樂鳴錚鏦冷然解煩曠綆汲菩薩
泉鑪炙金剛炭匏尊借取嘗奚啻醍醐灌甘冽沁詩脾參寥增
詠歎僧言時沍寒裏足少攀玩遨頭盛嬉遊聽鸛客魚貫環村
絳桃蒸十里綺霞幔何事避秦人洞口扁舟絆而我樂無事腰

芻任樗散行當攜蠻榼粹腳染新翰吾師肯結鄰買山我不憚

題松垞五弟疏柳鳴蜩小幘

清陰羃屨板橋西流水棲鴉舊夢迷冶葉倡條饒豔思禪心莫
學絮沾泥

依稀山店酒壚邊踈地柔絲帶暮蟬笙絡藤纏煙幾縷西天蛇
勢法誰傳

廿八日雪效黃涪翁體

石梅老僊黃初平九天煮石飄瓊英荆玉終輸卞和璞吳縣細
璧兜羅輕乃心貞白照四裔遇圓成璧誇連城臥袁訪戴總高
致爲霖仁待蘇蒼生

雪中聽雨樓小集招家雪晴二兄可齋六弟投詩屬和
以誌雅集

壘篴雅集勝雷陳淨影通櫳夜斂塵擘絮風輕緣徑積爬沙韻
急到窗真潤調梅鼎羹湯雋暖助辛盤菜甲春洛下歸來見三
白龍門畱賞屬誰人

聽雨樓卽席再疊前韻

園丁噤凍劖茵陳閭閻休歌甌釜塵心印史家推宋豔手追書
斷瀟羊真楸枰細譜桃花格蒼壁團烹石銚春玉局風流千載
續聚星高詠屬吾人

雪後書齋卽事

海牛壓簾風色靜六根漸復同熏聞雪晴虛白生戶牖阿買近
知書八分

春夜不寐有憶

閒居三月意徬徨投効歸來鬢染霜洛下蒼生還系念夢中疑

獄愼推詳

余近學黃山谷詩有勸余毋效其體者賦此示意

宏休札閣笑深文瓦缶黃鐘響自分不須老嫗盡能解後世豈無揚子雲

郝隆腹皤矜暴書三紙無驢博士疏白魚鮠脯羊頭臠風味原殊土飯俱

余自洛下歸客有獎予之清況者賦此誌慨

待詔承明領秩清買田陽羨計難成淩儀齋馬誇寒峻范式封魚希令名時復中之愧元老難爲下矣陋齋嬰織蒲儉致尼山誦掃地衣污半矯情

童萼君大理槐過訪不值

雪晴泥滑滯雙輪衝淖相過感故人閉影敢希宏景逸詣人須

識子猷貧竹光洗淥宜排闥馨葉吹香好結鄰急掃風軒出家
釀細參黃蘗說根塵

陳荔峯學士

嵩慶

招集寓齋席閒送陳香谷中丞

桂生

還武林

句吳轉漕聽津鼓不分聯袂泛綠醪齋壁舊圖煙墨黯雪樓暗
望酒星高散官氣味梅花冷漫士聲名橡栗韜菌子驚雷桃漲
膩早商烏榜下江皋

張船山太史

問陶

病中詩有上賓惟債主清課是醫書

之句戲和其韻

侈口今多悔虛名好識除蟻浮官法酒蚓屈上清書金盡奴爭
去身閒客浸疏草堂還可讀莫負竹鐙初

題金閶競渡圖

僂指盤間六往還一鍼瘦塔認寒山
拏音聲闌干檣底可有敲
詩似我閒

葛指揮

蔭梓

惠酒一甕

長鬣扛壺肩頰擔鶯黃破殼啓新筠
雪寒關鬲宜溫潤莫作平原老督郵

得吳中嚴芷衫書知昨冬寄函未到賦此答之

草閣新春接芳訊洪喬客臘悵空函
羈懷慕似尋巢燕宦味慵於上箔蠶
案閣楞嚴常雒誦籠緘遠志漫鉤探
處宗賴有投膠誼銀燭油窗抱膝談

偕宋星浦孝廉曼陀花舍夜坐仍疊前韻

頤光煙壑慕蘇耽半幅精廬舍利函
我相自觀蕉樹葉世緣誰脫繭
絲蠶玲瓏鑲子苔牆挂縈峭芒鞋
雪竇探竹淨松喬同味

雨

松竹靜能知雨
味見妙法蓮華

瓦簞佛火照清談

出廣甯門送客坐三藐庵

風楊縹碧擲鶯梭
送郡頻年小刹過
臘尾雪蘆迴候雁
原頭芳草健明駝
吾人敢負千金諾
和尚行傳一鉢歌
只有盧龍掃空翠
冷光雙峙鬱嵯峨

曼陀花舍夜坐和可盦

麤繒大布意安便
斂水同參淨土緣
豆火光分心印澈
竹濤響并梵音圓
羣提熱惱傳三乘
韓子辛勤築一塵
奚必捫蘿上方住
趺跏學得在家禪

韜華館攜兒女輩夜話

冷卿風味洽幽便
祿隱能酬石墨緣
荆布妻孥憂米貴
青紅兒女話鐙圓
拂檐蕉雪張圖畫
潑乳茶甌近市廛
筍蕈堆盤甘晚

食錯疑周顓欲逃禪

邀宋星浦孝廉下榻澹園話舊用東坡粲字韻詩作二

首贈之并邀其同年梅伯言孝廉

曾亮同作

鑿齒居襄陽宣武笑人半介子事散儒嘗聞棄觚歎挾策成均
遊屏除爵馬玩磨蠍纏命宮賓彥晨星散挂帆下吳頭頓失趨
府伴賃廡宣南坊開庠學柳旦鑽研故紙護佔畢日摩案帽脰
江東雲心旌千繭亂偃蹇青山青首蓬嬾櫛盟鵬六月息且
作大絃緩豈期朋簪盍錢散驚眼買蒙茸疊巾箱長鬚意不便
後來居上賓禮賢宛積炭陳榻淨埽除重開竹里館鮭菜充庖
陳霜菊戀瓶暖搏沙聚有因執裾一笑粲

行年三十九毫耄已強半功名上竹鮎徒成仰屋歎法曹困簿
書惟刑敢狎玩奉 召領鴈班舊雨風籜散雞窗宋處宗來作

黃昏伴問字識侯芭侈談每達旦風泉瀹茶鎗寒檠雪案斧
藻羣言精埽葉散帙亂餘勇藝堪游卑棲道自盟蘭契相需殷
頗怪來何緩射策貢王庭楊葉一矢貫仁看奪錦標先登眾應
便融融趨熱士得門陋挾炭休嗟苜蓿盤聊廁金張館衣染柳
夢徵鞭捎杏園暖泥金耀吳趨獲雉欽盧粲

聽綠山莊卽目

夢繞江南碌碡村草芽青換去年痕苔荒古巷稀人迹好倩春
風靜埽門

曲渚芹芽紫玉攢活東聚處激清湍馬頭山店春微透際瘁桃
花鎖嫩寒

瘦策閒拖趁意行偶逢田父話歸耕柳條慣作鵲兒色斜蘸東
風雨易生

礎瘠畚鋤亦有秋自牽瓜蔓種西疇邵平甘向青門隱多事行人識舊侯

五日午門坐班

御街春雨浥輕埃閭闔天門際曉開
翥厯宮鴉聽鐘起蹣跚寶象戴餅來
禮嚴繇最鵠班肅坐傍犀渠雁序排
如此清班真不忝松梢鵬鷺共徘徊

初六日出宣武門過法源寺用黃涪翁春遊韻

輕燕尾涎涎畫梁如舊識高林黃栗留
求友唳聲力闐闐實喧闐招提賞清寂
柅車衝輦紅迤邐巷紆隔經臺娑羅陰
繡壁薛荔色紗籠覓前題檀越豈生客
粥魚鳴僧廊返轡促臧獲堂堂歲月過
賦閒此瘦策

聽綠山莊柴門晚眺

鹿眼籬環數畝宮春風小礎落茶叢寫情大可張琴薦投告何
勞置餽簡性懶詣人常速客鬢無衰白已稱翁花村畢竟饒晴
望社燕噙將杏葉紅

閉戶閒居庭前桃已作花

不知許事且重肉閉戶著書風幔斜懸炭衡輕知候暖小桃霞
影屋山花

片時靜坐齋漫興

萬事不理問伯始寓物能齊希老莊弦直時違儕夏雪簪言世
溺炙秋陽婆娑風月追庾亮雒誦龕鐙想遂良聞道靜然堪補
病笑他躁擾蟹將糖

聽綠山莊春眺用張太史

問陶

清明攜酒遊釣魚臺看

桃花韻

樊學從吾好園丁約往還桑柘竊脂喜雨足桔槔閒野卉媚籬
眼睛嵐堆笑顏老坡貪笠屐圖出小屏山

身退出精散西疇不厭過遠畦流水漫稚柳得春多小酌剪芽
韭深堂翳蔦蘿煙汀一牀驚靜伴睡成魔

偕可盦出西直門循長河過極樂萬壽五塔諸寺看花
晚歸飯於衍法寺紹暉長老方丈仍疊前韻

滑笏春波膩鴟夷載酒還壽徵惟樂靜福量是蕭閒淨淥洗巢
耳薦紅如舜顏屢顛緣足蹇漫笑魯人山

野寺長松裏支筇得得過煙鐘渡溪緩暖翠上樓多禪味廚燒
筍山情屋補蘿鶯花防破定趺坐待祛魔

馮柳東庶常

登府

自禾中寄書賦此寄懷兼邀北上

海虞肇句鬪詩筒虛約遊梁說寓公柳埭聽鷗雙屐雨梅梁吹

雪半帆風聲華里聞
貧猶籍詞賦江關老
益工莫厭承明戀
漁釣花瓢辜負影初紅

十三日偕沈豐橋助教

學誠

遊棗花寺看牡丹值吳蘭

雪中翰

嵩梁

李鳳岡太守

威

花下立談晚歸得句

相攜茶具過城隈
富貴花宜冷處開
上品華鬢圖寶相
莊嚴香海見樓臺
十年書劍歸吳質
半個衣珠對辯才
遲日春明傳韻事
嘉招長帽說詩來

盧溝橋

髡柳春隄密桃花野漲狂
峯尖削馬耳沙亂擁車箱
蒼鶩憐羣賈明駝帶渴羌
橋闌石獅子應笑往來忙

晚過良鄉縣

盧龍晴翠抱城虛
瘦轍千盤夕照餘
仙塔香雲枯衲守
將壇開

地老兵鋤時清客免驚桴鼓歲稔民多逐釣魚寂歷花村靜無
嗾幽風圖裏駐輜車

常陽村廢寺

佛頭靜對遠山明渠溜縈紆碧玉橫風柳兩株應識我曩時縹
馬聽秋聲

自葺草堂題

甘向茅茨老此才一牀閒鷺漫驚猜教僮淨埽黃泥壁準備舉
香野客來
尖頭苔屋任欹斜柳掩茆柴處士家至竟憂時心尙熱蘆簾影
裏話桑麻

庭中桃花月下盛開

霞影攙煙穠且織珠光的燦映冰奩只添翠羽啾啾喚錯認寒

香索笑檐

聞鶯

雕蟲原小技鉛槧笑功深不及金衣使清聲動上林

出阜城門遊蔡公村永安禪寺

細路迂迴半緯蕭瘦藤閒策叩經寮靜聆竹吹團香雨寒激松
幢走怒潮螺髻翠凝盤野色鵲巢影重壓枯條貂璫捨宅苔碑
記惆悵丹霞木佛燒

寺創於前明嘉靖四十四年開人
蔡琬今碑尙屹立寺半傾圮矣

邀可盦出郭和黃涪翁偕弟船場探春韻

嬉春無伴擬提鷗婪尾杯傾興未闌相值湖橋貪野話黏天絮
雪不知寒

被袂琴川動隔年錫簫暖入聽鶯天慣沿邨銑清狂例肯放愁
縈綠楊邊

家居和黃涪翁過家韻

治粟領都尉東南資餽運桃笙暖未遑浪說長安近入洛竊爽
鳩厥職胡克盡承明趨舊廬杞菊被脩眡青門學種瓜屏迹到
嫺親勲庸水引畫浮雲付鼻哂河北尙瘡痍殷憂顙顙鬢髭膏
澀方穿微焯鬪人陣不如食蛤蜊消長待潮信顏駟榮桑榆陳
奇顯齟齬魚目恥暗投珠光矧徑寸

自葺景鴻草堂圃前雜植蔬菜晚步遣興仍疊前韻

生涯鼠搬薑家具一車運望望柴桑村心遠地實近桑柘槐柳
榆蓊鬱綠無盡棹聲揭揭然連筒灌渠畛閉影請學樊鴉鋤老
圃親賦閒安仁才解嘲子雲哂白眉豔夙譽今忽換髭鬢波棱
及秋腴霜天雁橫陣寒鐙細剪摘黍約期宿信晚食足當肉鬆
脆蔓齒甌瓦盆羹糝熟蔥白斷成寸

清明埽墓和黃涪翁上冢韻

十年居外臺瞻望白雲隴得歸醲高邱桐梓盈把拱
萱闥喜康強稱壽雞爵奉陟岵什悲哦念慈心隱痛筮仕當壯年未蠲
血氣勇側聞汲黯贇物議騰沸洵小人有母在名節邱山重在
醜夷不爭豈侈五鼎供

清明後一日偕松垞可盦西郊看花晚過覺生寺可盦
和東坡上巳出遊韻屬余同作緣圃中種菜不暇步
韻走筆酬之

雨立松人髯叟蒼觚尊圓笠共相將僧衣照水方鷗白佛面當
門勝柳黃具足練禪嗤下乘見金史世宗記清森茗具試頭綱詩聲擅
響齊腰鼓遜爾詞壇樹幟強

餅中桃花和樊榭韻

研北穠猗透無言勝倚闌折枝摹院本散辦浴春寒餅隱窺香
密窗深下蝶難敲斜好儀樣繡滿禿襟看

有約探春以內子抱恙不果往賦此寄謝

雲天璚瑁溼鳴鳩衝雨思尋舊竹樓爭奈藥鑪須自理嘉招辜
負辭春遊

味雨草堂漫題二律

白竹扉扃少客撾帛槌茶磨自成家下帷靜養疏慵性分墜閒
培淺淡花泥溼杏梁增燕壘雨昏苔壁繡魚叉野人不羨侯鯖
美旋摘春畦煮蕨芽

春雨連宵霰霖滋教僮上屋補茆茨瓦壺泉淪朋遺茗板壁漿
黏自作詩簾額英飄賣餠候井眉苔暈灌園時三生修到安閒
福此樂樵漁倘未知

新葺景鴻草堂

敢云無地起樓臺不學南山頌豆栽
春雨花間雙破屋招邀鷗侶說詩來

籬疏漸可牽瓜蔓牆短居然酒可賒
不羨連雲排戟第瓦壺鐙檠愛田家

崇效寺遇吳蘭雪話舊

十年不見驚衰白邂逅名藍證夙緣
賸有詞雄傳萬口拌爲詩瘦聳雙肩
嘯歌蘭樹人如玉狂拜梅花老益顛
閒卻鳳池揮翰手長明鐙下叩初禪

同懷弟法良校刊

男崇福謹校重刊